

咸豐縣志卷二

建置志

治城

吾鄉自巴國啟宇設立漸備左桓九年行人韓服通好上國至將軍蔓子許楚三城雖難確指其地惟就毗連境土揆之施夔一帶如夷水西水流域必多修城可以扼守戰國而後頗形退化三國以來日進開明至太康建平合併碑碣宛然五代迄宋設州分治有無城郭建設殆不可知南渡而後神州陸沈部落大長割據世守刑賞自專大有小國封建之勢然皆設礮築砦於縣境東北各鄉未嘗為仡仡之壙也自明初割散毛司之半設流官於大田所

咸豐縣志

卷二

建置志

治城

二十五

卽就其地經畫一切為城周五百丈有奇崇二丈門四洪武二十三年千戶鄭瑜甃後圯前清乾隆二十八年知縣陳世英因設縣已久人煙日稠估定城基周三里三分後因地勢險要且糜費難籌未遑大舉嘉慶元年教匪蠢動邑令康乂民倡築土城光緒三年邑令向崇基因舊城門特加補修并標其名東曰朝陽南曰來薰西曰映奎北曰拱極街道昔時較繁盛有瓦房街墨廠街倉房街興隆街等房舍櫛比歷經兵燹屋宇半燬今通商者惟由小街口至教場壩一帶形勢直長少曲巷近八年內秦令毓麒籌款新修街路頗稱整潔商民便之

公署

知縣署卽因大田千戶公署改建乾隆四年特加補修咸豐同治以來地方官紳隨時捐修房屋共三十餘間監獄十間建設具備舊訓導署原在守備署後乾隆五年建後移於文廟左側近十年來稍加補修房屋共二十餘間典史署在縣署右側房屋共十餘間皆乾隆元年建巡檢署在縣西七十里之張家坪嘉慶年間移建附近蝦蟆池場中房屋共十餘間同治時張鵬翰任內空曠寢圯後任稍事培修規模畧具通判署在西北六十里之唐崖嘉慶年間裁撤通判公署尋毀又已裁守備署在治城西門內屋半毀遺址尚寬濶有餘城守把總署在治城南門內屋盡毀遺址猶存又把總署在縣治西北六十里之唐崖屋半毀遺址尚寬濶有餘

咸豐縣志

卷二

建置志

公署

倉庫

二十六

外委署在縣治西北百八十里之活龍坪屋半毀遺址猶存

倉庫

常平倉在縣署前面舊傳倉外有太康古碑今已斷殘無存唐春墅明府署中卽事有尚有邑人話太康之句又倉內冰鏡館乾隆時陳令世英建現今倉共十一廩以官清歲稔踴躍輸將新盈寧十一字編號原額設穀四千石又附貯穀一千五百石共五千五百石嗣因咸豐年間屢次挪發兵穀動用無存同治三年知縣張梓奉文勸捐彌補實存穀四千二百二十五石光緒以來因荒歉推陳易新間有銷耗本年四月張知事鳴鳳移交陳知事侃實量得淨穀四千零七十三石社倉分設各里原有十二處儲穀共二

千零一石九斗四升歷係各社長經理嗣因咸豐十一年挪發兵穀動用無存宣統二年施鶴兵備曾道廣鎔倡辦六邑社倉募額穀數千石按年攤繳存儲備荒旋因國變遂作罷論庫在縣署大堂左側戶書兼管所存不過朽敝兵器什物而已

學校

咸豐學校之建置宜區分科舉學堂為兩期舊制學校以科舉為目的國家之設備者為學宮為書院為賓興為義學縣境自周秦以來日漸開化漢晉而後郡邑分治學校之興應臻完備一自蒙古內侵中原雲擾矧施屬邊疆風尚强悍自元迄明五百年中漢土雜處學校廢墜士之有志嚮學者多就武漢荆宜等處負笈從

咸豐縣志

卷二

建置志

學校

二十七

遊卽遇三年大比之期所有騰聲而發跡者計其行李之往還資斧之損耗較之腹地學人相差不可以倍屣計及至改土歸流而後一切設備視彼上游州縣大略無殊試詳紀之俾後之言教育者資考鏡焉

學宮初在縣治西街乾隆五年建後圯四十五年遷縣治東南隅五十六年知縣張曾敕訓導胡烜邑紳楊勝岳馮世璜蔣進綬倡率重建祠殿門廡泮池明倫堂等設立如制前清科舉舊制自乾隆四年設咸豐縣學額歲科試各取進三名併將巴東縣原設訓導撥歸咸豐縣學更額定廩生二名增生二名武學二名乾隆四十六年郡屬官紳呈請設棚南滙吳白華學使赴施試士定額每

試文童合府學取進五名咸同軍興後籌餉甚鉅恩利兩邑皆廣學額邑人未經援例陳請光緒初年學使高釗中以文風增進奏請與宣來二縣加廣學額各四名廩生二名書院創自嘉慶中葉學使鮑侍郎桂星題有蔚文書院匾額同治末年余大令思訓以費楊二姓叛產撥入後益加擴充年收租穀三百餘石卽假城南文昌宮為生童肄業地光緒二十三年余大令良才移於新購劉姓故宅更加修葺房舍尤宏敞卽今之高等小學堂是也賓興館創自彭大令仲芳年收租穀一百餘石至光緒時余大令良才又募捐增置產業名新賓興年收租穀二百餘石而別舊有之業為老賓興兩起可收年租共約三百餘石義學之設以金崗司一所

為最古乾隆五年奉文建每年請領藩庫銀十六兩作膏火二十四年知縣張禹將縣民互爭生基坪官地變置水田山場一分歸入義學每年收租穀一十六石一斗二升三十九年知縣潘憲武將民互爭黃土坡官荒詳歸義學其不由官立者則有丁寨義學二所一培英書院在市南文昌宮道光二十年建一廣育義塾在市內禹王宮咸豐十年建又學官直隸之學田一杉堡樹一處武生秦朝品捐作文廟修補之資每年租穀折錢五千文一麻布溪一處每年租錢一千文一墨池井一處在北門內老文廟基每年租錢四千文一梅家堡一處一聖宮後每年租錢四千文以上皆據府縣志登載者近三十年捐施之業數起查明再登

學堂自前清光緒二十八年經始籌辦至三十一年卽假新購書院房舍開辦本縣高等小學所有禮堂講堂教員室自習室寄宿室圖書室膳堂沐室體操場及一切應用各室建設俱備六月招生八月開學其初任管理兼教員為優行廩生徐大椿繼任者秦都尉馨元秦明經烈大冶皮常英宣恩王者香迄今六年有餘畢業三次宣統三年又於其中附設初等農業學堂九月國變學堂為巡防軍人佔據器具門壁遂多損失本年正籌款補修不日招生開課以廣教育初等小學本城共設四處八里中設者甚多惟旋興旋廢無確定之地點要在地方官紳極力提倡而已

善堂

咸豐縣志

卷二 學校

善堂

二十九

縣屬城鄉有施藥育嬰義渡賑荒諸善舉多假寺觀公地為開辦場所無特定之堂室也丁寨於同治末年創設育嬰堂未幾因訟廢弛光緒十八年余令良才奉撫憲譚檄募捐置育嬰局全縣集資至八九千釧分設各里村集後因永辦者報銷不實且劣紳侵漁過多二十九年趙令曾蕃提作學堂經費款遂全耗現惟丁寨縣城蝦蟆池等處有善堂基礎丁寨善堂在上街自丁酉戊戌疊遇荒歲所辦施種施粥施米施錢施藥等事頗歸實濟惟公款無多未克大舉現在存儲生息之款約四百釧上下縣城善堂在小巷街口歷年除因公支用外聞尚存款約數百釧蝦蟆池善堂在下街戊申己酉曾辦減價平糶頗有效現存之款無多又楊崗亦有

善堂存穀數十石由本地殷富輪流掌放生息義渡惟龍潭河及南河一帶共十餘處其的款概係本境糧戶捐置產業買舟僱渡者

村集

全縣區分八里曰永豐樂鄉太和上下平陽此四里約當龍潭大河以南地又名內四里曰仁孝義悌禮忠智信此四里約當大河以北地又名外四里又乾隆年間四川湖北兩省大吏會勘禮忠義悌兩里西南邊地文牘往還頗費周折後遂名其所勘地為幫里亦併號為外四里永豐里之村集二一西門外一南門外樂鄉里之村集四曰丁寨曰十字路曰土老坪曰藍田灣太和里之村

咸豐縣志

卷二 村集

集六曰馬河壩曰龍坪曰大興塲曰散毛河曰卷李壩曰屠莊壩上平陽之村集四曰楊崗曰蝦蟆池曰興隆塲曰沙子塲下平陽之村集一曰忠堡仁孝里之村集三曰尖山寺曰清水塘曰二台坪義悌里之村集四曰水壩曰活龍坪曰毛壩曰忠塘禮忠里之村集四曰大村曰小村曰燕子戶曰李子溪智信里之村集二曰石人坪曰黑崗幫里之村集三曰蛇盤溪曰大路壩曰朝陽寺以上共三十三村集除縣治西南二門外鄉間村集以清水塘忠堡丁寨為繁盛十字路毛壩尖山寺活龍坪次之最下者惟土老坪藍田灣朝陽寺至沙子塲大路壩兩處則跨黔咸兩縣而分隸者也近十餘年來東東北角恩咸利三縣交界新設三星塲正北咸利

兩縣交界處新設八家台塲是亦足為土壤墾闢戶口增加之一證

津梁

縣境少航行之路惟朝陽寺以西可施舴舨行三十里至黔江縣之線壩餘則龍潭河水深岸濶視他水時甚每當春夏水漲病涉者多所有南北孔道士人恒提倡義舉以濟行人其最著名者由十字路至尖山寺曰兩河口渡由尖山寺至清水塘曰南河渡由龍潭壩至忠塘曰芭蕉溪渡由丁寨至唐崖曰唐崖渡由梅子坪至彭家溝曰麻地壩渡由丁寨至龍洞曰大屋澗渡由縣城至老李壩曰田寨河渡由梅子坪至清水塘曰大河邊渡由清水塘至

二台坪曰楠木溪渡由青崗嶺至石人坪曰龍潭司渡由土地壩至尖山寺曰手扒巖渡由梅子坪至生地壩曰螺螄灘渡由青崗嶺至羅家壩曰忠寨壩渡由藍田灣至燕子崖曰朝陽寺渡橋之最大者曰觀音橋在縣城西門外曰大壩大石橋曰太平溝石橋均在縣城西門外五里大田壩橋在縣城南門外三里曰教場壩橋在南門外二里曰南門外涼橋在教場壩西頭曰楊泗壩涼橋在城東五里曰起鳳橋在城東十里曰茶園溝橋在城東十五里此皆永豐里屬地也曰野貓河橋在城西二十五里曰林麓口橋曰丁寨塲橋均在城西三十里曰十字路橋在城西南二十五里曰土老坪橋在城西南四十里此皆樂鄉里屬地也曰桐車壩涼

橋在城西六十里曰蝦蟆池涼橋曰大板橋在城西七十里則平陽里屬地又仁孝里有武家田橋禮忠里有大水坪橋麻溪溝橋義梯里有毛壩河橋有甘里壩橋帮里有土溪河橋此特舉其當孔道而費工鉅者其他小溪曲徑阻水架梁之處不勝枚舉因其地僻費省不悉載

舖遞

行政最重交通機關無古今一也矧屬在山邑而於行李之往來文書之傳達不有以疏通保護之不幾憂壅蔽而誚痿痺不仁乎溯自郵政未興交通弗便官斯土者每汲汲於舖遞之建設雖屢經世變徒法難行而舊制仍莫敢廢據舊府縣志載咸邑縣城設

咸豐縣志

卷二 舖遞

三十二

總舖舖司四名自總舖東行十五里至猴子嶺舖舖司二名自猴子嶺東行十五里至邢家寨舖舖司二名自邢家寨東行二十五里至白菓壩舖舖司二名自此東行二十里達宣恩縣之黃草壩舖此為由咸至宣恩之要道也又自總舖西行二十里為十字路舖舖司二名自十字路西南行二十五里為土老坪舖舖司二名自此南行四十里達來鳳縣之革勒車舖此為由咸至來鳳卯崗之要道也又由總舖西行五十里至水車坪舖舖司二名自水車坪西行二十里至張家坪舖舖司二名自此西行四十里達四川黔江縣之沙子場此為由咸至酉陽州之要道也又由總舖北行三十里至梅子坪舖舖司二名自梅子坪西北行二十里至唐崖

舖舖司二名自唐崖舖北行三十里至七里塘舖舖司二名自此北行三十里達恩施縣之下營壩舖此為由咸至恩施西境之故道也又由總舖西北行八十里為馬家池舖舖司二名自馬家池行三十里至兩河口舖舖司二名自兩河口行三十里至毛壩舖舖司二名自毛壩舖西北行四十里至活龍坪舖舖司二名自此北行四十里達利川縣之沙溪司舖此為由咸至利川西境之故道也以上共十五舖額設舖司三十四名皆係徭編前清咸豐二年奉文裁汰改派差遞旋於同治八年照舊復設自近年郵電各局碁布星羅每遇警急通報最靈而舖遞遺法遂無復有人道及云